

եթէ ոչ սատանայական թեւադրութեամբ համարիմք զեղեակն՝ որ մախալով զառն մերս ազօթելոյն վասն ձեր՝ խառնեաց զորոմն չարութեան 'ի մէջ բարի սերման խաղաղութեան մերում ընդ ձերայնոց՝ եւ կամեցաւ իրաւագուրկ առնել զմեզ, և զազօթելն մեր վասն ձեր խափանել, և զսիրոյն օրէն ոչնչացուցանել՝ և բծախնդրութեամբ հիմնայատակ առնել, զոր չունիմք մեղադրել սւմեք՝ եթէ ոչ մեղաց մերոց։ Բայց ո՞վ աստուածասէր և բարեպաշտ ծայրագոյն Դեսպան, իրաւունս 'ի քումմէ երջանկութենէ խնդրեմք, միթէ չիցէ՞ արժան քրիստոսապաւկեալ թագաւորութեան Ֆրանցայու ունիլ ազօթող ոչ միայն զիրականն ազգ, այլ և գրեթէ զամենայն ազգս օտարազնեայս, զոր ահա մեք թէպէտ ազգաւ օտար, բայց հաւատով կարի քաջ ընտանիք, և զիա՞րդ ազօթից մերոց առ ուղղափառ Կայսրն Ֆրանցայու խափան լինիցի։ ո՞չ ապաքէն և Աստուածաբետութիւնն ընդունի և 'ի բերանոյ մեղաւորաց զաղերս ազօթից։ Եւ զի՞նչ պակասի 'ի փառաց Աստուածասէր թագաւորութեան նորա՝ մինչ այս խղճալի ազգս հովանաւորիցի 'ի ներքոյ չքոյ գթութեան նորա, յիրաւի ոչ պակասի՝ քան թէ յաւելանի։ Ուրեմն եթէ ամենայն Դեսպանաց յատկութիւն իցէ՝ զաւելի ինչ քան զնախնին իւր հնարել 'ի պարծանս ինքեան և յօգնութիւն իւրական ազին, այս է ուրեմն մեծագոյնն մեծագունից։ Եթէ զհիմնեալ խաղաղութիւնն մեր՝ եւ զսէրն հաստատ պահել ջանայցէ Աստուածասիրութիւնդ ընդ եղբարց մերոց, որ աստ 'ի Ս. Քաղաքս Երուսաղէմ։ Զի որպէս սրբազան Առաքեալն Պօղոս տնկեաց և Ապօղոս ջուր ետ եւ Աստուած աճեցոյց, հաւատամք զի ո՞մն Աստուածասէր, այսինքն Վիլլանովայն տնկեաց զսէր 'ի մէջ երկուց ազգացս, և միւս գեր Աստուածասէրդ կամի ջրով ոռոգել, և ոչ երկբայեմք եթէ Աստուած զայնպիսի տունկն և զուռոգեալն աճեցուցէ։ Ուստի խնդրի 'ի քումմէ ամենաբարեպաշտութենէ ստանալ զպարծանս պարծանաց զերանութիւնն խաղաղարարաց, եւ ըստ շնորհի զորդւոյ Աստուծոյ մականունութիւնն ժառանգել։ Եւ այն որո՞վ լինի ո՞վ գերապայծառ Իշխան, եթէ ոչ ունկն ոչ դնելով աւելորդաբանից զրասացութեանց, զոր ահա զստոյգն զը-